

UNITED NATIONS



NATIONS UNIES

INTERNATIONAL CRIMINAL TRIBUNAL  
FOR THE FORMER YUGOSLAVIA

TRIBUNAL PÉNAL INTERNATIONAL POUR  
L'EX-YOUGOSLAVIE

CHURCHILLPLEIN 1, P.O. BOX 13888  
2501 EW THE HAGUE, THE NETHERLANDS  
TELEPHONE: +31 70 512-5000  
FAX: +31 70 512-8637

CHURCHILLPLEIN 1, B.P. 13888  
2501 EW LA HAYE, PAYS-BAS  
TELEPHONE: +31 70 512-5000  
FAX: +31 70 512-8637

**Predmet br. IT-09-92-T**  
***Tužilac protiv Ratka Mladića***

**JAVNO**

**ODLUKA**

**ZAMJENIK SEKRETARA SUDA,**

**IMAJUĆI U VIDU** Statut Međunarodnog suda, koji je Savjet bezbjednosti usvojio Rezolucijom 827 (1993.) od 25. maja 1993. godine, s naknadnim izmjenama i dopunama, a posebno član 21 Statuta;

**IMAJUĆI U VIDU** Pravilnik o postupku i dokazima, koji je Međunarodni sud usvojio 11. februara 1994., s naknadnim izmjenama i dopunama (dalje u tekstu: Pravilnik), a posebno pravilo 44, 45 i 62(B) Pravilnika;

**IMAJUĆI U VIDU** Uputstvo za dodjelu branioca po službenoj dužnosti, koje je Međunarodni sud usvojio 28. jula 1994. godine, s naknadnim izmjenama i dopunama (dalje u tekstu: Uputstvo), a posebno članove 7, 8 i 11(B) Uputstva;

**IMAJUĆI U VIDU** Profesionalni kodeks branilaca koji postupaju pred Međunarodnim sudom (dalje u tekstu: Profesionalni kodeks), a posebno članove 9 i 14 Profesionalnog kodeksa;

**IMAJUĆI U VIDU** da je g. Ratko Mladić (dalje u tekstu: optuženi) prebačen u sjedište Međunarodnog suda 31. maja 2011. godine i da je njegovo prvo pristupanje Sudu održano 3. juna 2011. godine, a dalje prvo pristupanje Sudu 4. jula 2011. godine;

**IMAJUĆI U VIDU** da je 1. juna 2011. godine zamjenik sekretara Suda, na osnovu pravila 45(C) i pravila 62(B) Pravilnika, imenovao g. Aleksandra Aleksića, advokata iz Republike Srbije, za dežurnog branioca optuženog u svrhe njegovog prvog pristupanja Sudu, kao i eventualnih drugih pitanja za koja može biti potrebno pravno zastupanje dok se ne dodijeli stalni branilac;

**IMAJUĆI U VIDU** da je optuženi, na osnovu toga što nema dovoljno sredstava da plati branioca, podnio zahtjev za dodjelu branioca po službenoj dužnosti u skladu s članovima 7 i 8 Uputstva;

*Prijevod*

**UZIMAJUĆI U OBZIR** da je 22. jula 2011. godine, postupajući na osnovu člana 11(B) Uputstva, zamjenik sekretara Suda imenovao g. Branka Lukića, advokata iz Republike Srbije, za glavnog branioca optuženog na period od 120 dana, konstatujući da je privremeno imenovanje branioca neophodno kako bi se osiguralo da pravo optuženog na branioca ne bude narušeno dok Sekretarijat ispituje njegove mogućnosti da plati branioca;

**UZIMAJUĆI U OBZIR** da je 18. novembra 2011. godine vršilac dužnosti zamjenika sekretara produžio imenovanje g. Lukića za još 120 dana i da je taj rok počeo da teče 19. novembra 2011. godine, kako bi se zaštitilo pravo optuženog na branioca dok Sekretarijat ispituje sredstva optuženog;

**UZIMAJUĆI U OBZIR** da je 23. februara 2012. godine, postupajući prema članu 16(C) i 16(D) Uputstva, sekretar imenovao g. Miodraga Stojanovića, advokata iz Bosne i Hercegovine, za subranioca, uz g. Lukića;

**UZIMAJUĆI U OBZIR** da je 16. marta 2012. i 13. jula 2012. godine sekretar doneo odluke kojima se imenovanje g. Lukića i g. Stojanovića produžava za 120 dana, pri čemu su ti rokovi počeli da teku 17. marta 2012., odnosno 14. jula 2012. godine;

**UZIMAJUĆI U OBZIR** da Sekretarijat vrši ispitivanje mogućnosti optuženog da plati branioca i da je to ispitivanje još u toku;

**UZIMAJUĆI U OBZIR** da je sekretar utvrdio da je neophodno da se imenovanje g. Lukića i g. Stojanovića produži na privremenoj osnovi kako bi se osiguralo da optuženi ima pravnog zastupnika dok Sekretarijat vrši ispitivanje;

**OVIM ODLUČUJE** da produži privremeno imenovanje g. Lukića i g. Stojanovića, kao glavnog branioca, odnosno subranioca, za još 60 dana, pri čemu ova odluka stupa na snagu 10. novembra 2012. godine.

/potpis i pečat na originalu/  
Kate Mackintosh,  
zamjenik sekretara Suda

Dana 8. novembra 2012.  
U Haagu,  
Nizozemska